

续明纪事本末

續明紀事本末

續明紀事本末卷之十一

四川之亂

江都倪在田甫輯

崇禎十七年夏四月參將會英在忠州賊張獻忠攻之英以水師逆擊焚其百艘賊死千計遂屯忠州賊亦屯忠州之葫蘆壩英得黔滇餉金數十萬大募士卒旬日十萬拔其豪余仲李占春于大海張天相爲裨將刁化龍以土兵助之壘於塗山五月宏光帝命趙光遠鎮四川時光遠屯陽平關趙榮貴屯梁山都司王祥在遵義總兵屠龍在納溪及侯天錫馬應試余朝宗楊賡莫宗文各擁兵立賊攻梁山榮貴望風遁曾英次江口戰敗績退軍五里至於望江關賊斫其頰英殺數人跳而免六月晉趙光遠提督四川光遠已降賊龍文光卻守餘衆二萬人秋七月賊黨朱朝臣犯保甯家居主事郭獻珂召故將張成擊之杜勝集大破之斬朝臣八月命楊鶚總督川湖等處軍務先是總督樊一蘅受莊烈帝命總川陝軍分巡道馬乾以賊陷成都撫按皆死乾遂自爲巡撫然皆不能定賊乃命大學士王應熊爲督師兵部尙書總督川廣雲貴軍務賜劍便宜行事命兵部侍郎俞思恂提學道王芝瑞輯兵食巡道劉鱗左右之思恂旋

卒 冬王應熊承制治蜀軍旋言重慶成都二府小民敲骨吸髓所供七八十萬並歸於賊僉事張一甲言張獻忠自夔門入忠萬北則李自成逼漢中廣元昭化已南已降賊巴通之際又爲諸賊所掠時獻賊僭號於成都屠戮郡縣無虛日馬科劉進忠輩分附闖獻姚黃賊又布於川西姚黃者漢中土賊姚天動黃龍長之趙榮貴擒其黨一斗麻代王等天動等穴蓬川儀隴南部間衆數十萬以人爲食久之分十三家營袁韜爲首其次呼九思馬潮王昌陳林王友進王興楊正宗張顯劉惟靈白蛟龍楊炳英李世傑流刦及保甯殺戮所及千里爲墟已更相貳十三家目多非舊而作賊如故鄴城金簡間別有胡明道姚玉麟等皆作賊有土暴子者屠戮不異於賊民尤畏之朝廷兵力不能及惟遵義得完王應熊樊一蘅止其地因以命之巡按御史米壽圖奉命擇能任監司者與偕行亦至乃發喪大舉傳檄討賊朱化龍擊賊龍鸞山大破之追至成都互戰屢月還守大山關復以勁卒敗賊復榮經縣俄陷於賊化龍軍小關賀珍往來興漢之間 十二月召楊鶚還命何騰蛟以原官總督川陝雲貴軍務使賈聯登爲四川總兵官

宏光元年春正月賀珍擊賊黨於廣元敗績時川北兵數不能及賊之少半劉道貞朱化龍擊賊於小山關大敗道貞攻邛州亦不克

詳義族

二月賀珍以兵趨漢中賊黨馬

科拒之珍不克科踞保甯如故曾英取鹽於遂甯以食其軍三月王應熊疏四川北

接鄖陽西次彝陵南自建昌道雲南東南自遵義道貴州今賊踞成都蜀無人迹闖賊

劫保甯順慶之民而爲獻賊所驅宜令川陝總督復保甯臣合黔滇之力批其虛廣西

鄖陽許臣節制則緩急可以呼應從之以應熊節制雲貴湖廣廣西鄖陽偏沅巡撫應

熊以曾英兵無律多劫紳賈不重其秩劾馬乾淫掠詔逮乾以耿廷錄代值沙定洲亂

廷錄不果行

詳黔滇之亂

何騰蛟亦不克至

詳前

乾爲巡撫如故都司楊展自賊中泳出至於嘉

定乘間入犍爲殺僞令進攻嘉定遣民開城納之其地險阻而近賊展工撫馭遠近歸

之羅徽堡千總廖佐及楊世泰起兵義眉余登嶠勝賊於眉州朱化龍及同知詹天顏

復龍安茂州

詳義族

樊一蘅亦至乃共起舊將甘良臣爲總統副以侯天錫馬應試屠龍

余宗朝凡三萬人攻叙州楊屠軍乾溪馬應試夜濟及旦展軍亦濟賊方敗應試軍展

斷其橋賊大驚遁展應試逐北生獲二千溺死過半其酋張化龍遁去遂入叙州一蘅

犒軍江上賊黨馮雙禮再攻叙州陷之展使蘇寶以猱兵擊之自攻其白塔山屯半濟而令今日必死戰盡沉其舟使張勝余朝宗攻山左曹章郭崇烈攻山右姚之楨李朝貴軍其後自當其前曹章先登之楨敗而更勝賊大潰遁蘇寶戰雙禮而敗展以勝軍至又破之逐北三十里再復叙州守之賊黨孫可望衆又至一薊軍江上相持一月糧盡退屯蘭州展屯江津賊易楊展謂重慶不可失使二萬賊水陸攻合州屯於多功城別以精銳道佛圖關將夾擊馬乾軍曾英劉麟長救之使遺民下涪州避賊使于大海拒水軍張天相陣於陸戒勿戰自以精卒五百往擊多功賊大敗之卽其幟草山出賊後大破之亭候賊怒坑降卒三千於大儀英遂屯重慶賊又截朱化龍及僉事蔡肱明於羊子嶺化龍以蕃騎數百直衝之賊大潰尸蔽山谷別將復敗賊於摩泥滴水又其時范文光在洪縣詹天顏在松潘權演在廣元譚洪譚詣譚文在夔州皆舉城邑奉徵調宣慰使馬京守備楊起泰又大破賊於觀川文光亦使黎武勳擊艾能奇走之

詳義旅

於是四川之民大殺賊官或刺於庭或付諸水火凡賊所設守牧令判死者無算惟雅州知州王國臣固通賊至是與下南道胡寅隙將執寅畀諸賊寅走國臣遂降賊

夏

五月王應熊檄楊展入遵義及侯天錫張熊攻永甯克之軍於魚腹闕 秋七月楊展大破賊梁一訓於納溪溺死數萬鎮安千總周鼎昌被圍賊聚諸舟鎖困之鼎昌斷其索賊大敗走孟喬芳擊姚黃賊屢破之袁韜走川南 八月甘良臣余奎楊展以千舟擊賊於蔡壩不勝越五日又敗賊追之納溪士卒皆入舟余從奎走江津良臣展以數百人入永甯賊陷樂用寨奢香之故穴也繼從文以兵五千拒固守孫可望圍之屢月不能克乃誘之降盡坑之良臣展聞之退於懷仁賊躡之懷仁土城不能守軍於小關賊又陷之良臣展居山中殺馬而食良臣及王祥謀自箚中走遵義曹章曰我棄大營入遵義大軍若退進退棘矣曷自間迫入江津乎祥及良臣不從遂走遵義展章及向成功黃國美竊出賊後渡合江歸 九月李異德在西充奉隆武帝號降將嚴自明敗之張定邦降賀珍以兵攻陽平關自明復拒之孟喬芳使自明等以諸降軍爭興安漢中及川東北 冬賀珍孫可法自漢中攻長安不克而還詳義旅馬科自保甯攻漢中賀珍大敗之 十一月郝孟旅在雅州佯爲賊上川南道陰聚兵卒將通使於曹勳不果程鳳翔招之孟旅遂殺賊將以雅州復爲明奉范文光曹勳主軍事諸軍反大掠之孟

旅自以兵復黎州進攻邛州不克尋敗死於花溪孟旅縣州諸生也 十二月賊復攻叙州至東關楊展欲攻之前鋒洶而潰賊陷叙州追展至瀘溪展謂諸將不戰則賊益進伏兵深箐以待之賊不敢入展還屯永甯招兵餉士大修戰守之具曾英自涪州趨江津合劉麟長刁化龍之兵進知賊將殷承祚在順慶有降志使人招之爲賊所得殊其耳目手各一縱之還承祚卒以順慶降英使焦應瑞馮有慶守之時大順峨邊間復罹胡變等禍遂有里兵皇兵之名民不聊生

順治三年

隆武二年是年永曆卽位

春正月樊一蘅遣使入福州朝賀隆武帝使賜王應熊璽書便宜

行事應熊復犍爲督諸將取川南劉體純等自襄陽轉掠入歸州彝陵至於巴東阻川東以自守

詳前

三月楊展馬應試攻川南地盡定之嘉定眉州雅州邛州屬邑綏復賈

聯登楊維棟攻資州簡州復之侯天錫高明佐復瀘州曾英使于大海李占春守忠州涪州樊一蘅移軍納溪居中調度王應熊亦出遵義會一蘅於瀘溪檄顧忠張天貴侯天錫馬應試莫宗文連兵叙州犍爲間謀進取楊展擊賊於彭山大敗之焚其千艘輜重金寶沈於江展使取之以益軍實強富冠諸鎮曾英王祥合謀趨成都 夏六月武

大定敗績於興安走入川 秋七月賊棄成都走攻賈聯登於中江陷之進攻順慶焦應瑞馮有慶負其勇曰賊不足懼也比及至守三日而城陷死者五十萬徐孫彥自蜀還福京具言王應熊樊一蘓李乾德馬乾及米壽圖劉麟長萬年策鄭逢元劉泌范文光牟道行田華國莫宗文曾英賈聯登譚誼狀且言賊屠川民慘酷無似隆武帝涕泣久之是月王應熊樊一蘓以曾英王祥趨成都諸將皆至盡復屬邑至於成都街衢雜木成拱野行百里不見行人衆謂殘破不可居曹勛楊展獨屯守勛居成都展督其兵亟追賊至於漢川不及封遺骨而識之曰憐爾白骨之慘用加黃壤之封帥還苦遺民不得食使百輩如滇楚告糴先後得米數百萬自鄉老博士弟子具瞻之予畊者以牛穀釋甲而田欲從軍者乃隸尺籍百工雜流各以藝食貧無告者廩之民大悅是秋展地大熟軍食益饒時豪格吳三桂入漢中賀珍戰敗於雞頭關走川南嚴自明招賊李旺降又擒賊張黑子 冬十二月豪格兵入順慶賊黨劉進忠降指示雅布蘭射殺賊部兵百三十屯皆潰遂取保寧孫可望及諸賊皆南奔將至重慶曾英所屯水陸成市嘗請屯田於王應熊不可及可望至英死

詳李孫之兵

余仲復叛燒其營走一時訛潰崩聲

如雷官軍男婦殘溺萬計于大海李占春以餘卒二千走涪州仲及李定王詳遁綦江旋走貴州賊入綦江陷重慶而居之王應熊走畢節至餘督撫樊一蘅已衰老諸將又不受其命馬乾果銳然不能束兵惟侈召募川北尤殘破軍食必自東南出亦無濟之者乾德尙縱橫卒致敗壽圖移撫貴州鱗長已下號令亦不一英死武帥推楊展王祥亦著然材武不若展譚誼譚洪譚文行止介兵賊不足恃豪格使鐸尼準塔吳三桂孟喬芳李國翰及降將盧光祖分擊賊遂下龍安松潘維州保元順慶諸郡邑至於遂甯呼九思馬潮走死袁韜走夔州人競呼爲賊王名臣在順慶降將柏永馥馬化豹左勳復陷之孟喬芳圍茂州朱化龍固守鐸尼準塔三桂至成都楊展屯嘉定曹勳還雅州鐸尼入成都設三司以下官以降賊人梁一訓等爲之遺民千數百人而已進攻嘉定楊展拒之凡五日鐸尼軍不能勝遂趨重慶

順治四年

永歷元年

春正月程源言於朱容藩川中之兵數十萬若公督東北我督西南蜀

賊不足平也容藩疏薦源經略三省永歷帝從之亦命容藩督川東容藩覬入相蹴所親給事中唐成疏容藩源擁戴之臣不可出永歷帝怒欲殺之容藩賄太監龐大壽祈

免於太后帝不得已赦之容藩走四川孟喬芳圍茂州城中食盡啗人男子肉一斤值

七錢婦女八錢並枯骨亦屑而食之化龍力竭降尋合趙榮貴以龍安階州復爲明孫

可望毀重慶城而遁至遵義王祥走永甯吳三桂窺重慶巡撫馬乾趨內江拒之或曰

內江當敵曷可往乾不可力戰死重慶再失巡按瞿永及賈聯登侯天錫鄧九韶王廷

獻先後降天錫且使人招王應熊降應熊斬之鐸尼兵趨遵義姚黃賊在夔州糧絕

幾三月遮於官軍不得南鄧希明刦副將胡雲鳳室於江中其妾赴水歿雲鳳將復仇

招姚黃賊自萬縣之小溪口濟賊遂及南岸三月賀珍之入川也亦求渡夔江程正

典拒之同知李習達以宗室德陽王在夔州欲輔之潛具小舟使珍濟亦屯於江南鐸

尼吳三桂兵至遵義孫可望已入黔

詳李孫之兵

三桂陷遵義以王祥在永甯圍之祥頗善

守群賊畏之其妻尙祖饒智略三桂不能克夏五月李赤心自巫山入川譚詣以水

師禦之江濱賀珍亦畏赤心至復渡江北屯於下關城赤心尋陷建始縣鐸尼兵自遵

義東入榮昌富順內江資陽達州夔州忠州萬縣多沒袁韜遁山中遠巡走彭武掠婺

川李占春于大海亦遁鐸尼去占春大海復以其衆入夔州守之秋七月容藩至川

自稱楚世子王光興不知而奉之光興光泰之弟也以其部往來楚蜀謂容藩爲眞移檄于大海李占春共戴之鐸尼兵至萬縣容藩使大海占春逆擊之輕舟四出砲火紛鳴滿洲及降兵皆大駭爭上岸走占春乘之殺傷大半乃自達州小徑走保甯李乾德既說袁韜降是役也韜以其兵入佛圖關八月王祥自永明入赤水招諸降潰及賊之敗散者得兵數萬擊吳三桂大敗之皮熊兵亦將至侯天錫以永甯復爲明三桂懼殺降將賈聯登數十人遂及諸軍棄城走王祥入遵義撫諭郡邑及綦江內川皆下遵義地阻而饒四川避寇者多依之戶口充實祥居之貢獻不少缺妻亦致獻於中宮恭謹勝諸將侯天錫李開藻擊三桂別部於瀘州亦大敗之復馬湖九月王祥使告羅

於皮熊熊不應且謂祥詞已奪其金祥怒自以兵出遵義圍之三日而還已而屢戰大敗詳上疏自理詔和解之乃共盟於馬江

祥黔滇之酋

梁應奇辜朝泰先後至行在盛稱詳

材武一時信之

十月楊展攻栢永馥於重慶大敗之再戰又大勝永馥棄城遁展復

重慶李乾德亦自涪州至諸將共戴之遂居重慶袁韜狂悖乾德獨愛之使居於山坪朱容藩既得王光興于大海李占春兵又得譚文譚洪譚詒及呼九思陳林之遺至重

慶遂謀叛諷乾德使推戴乾德陽不知容藩銜之 十一月日長至諸將賀袁韜與朱容藩同拜舞容藩怒李占春亦不平容藩即使占春襲韜軍且殺之德乾德知星氣咄咄稱變夜走山中占春襲韜軍不得入又失乾德大驚執其一妾一女去韜聞之謂乾德已死大哭已知猶在集兵與占春門連日不解占春走涪韜亦糧絕掠遺民以自給遂不能戰容藩走忠州移書錢邦芭兩解之占春亦歸乾德孥於是韜大定屯重慶占春屯涪州之西平壩于大海屯忠州之花淩河相比附容藩不得志於乾德乃鑄錦江侯印予王祥使擊韜祥從之以兵出遵義 十二月楊展使楊榮芳李一進陳應宗黃國美趨成都吳三桂等兵屯資陽簡州者全盛萬璫搦擊之大敗其衆連戰皆捷展兵長驅至成都梁一訓驅遺民數千走至綿州盡殺之於是成都之民盡矣展復成都王名臣馮啓以兵攻順慶守者棄城遁趙榮貴在保甯復會武大定於廣元三桂聞之棄保甯走漢中全川皆復錢邦芭以告言定九州百三十餘縣永歷帝受羣臣賀分命李乾德楊喬然江爾文總制巡撫四川樊一蘅再至江上以諸將之捷告王祥擊袁韜於重慶三戰皆不勝

順治五年

永歷二年

春正月晉樊一蘅太子太傅戶兵二部尙書擢錢邦芑巡撫以詹天顏

巡撫川北封趙榮貴定隨侯楊展華陽伯王祥綦江伯諸將進秩有差譚洪再攻武大定趙榮貴於保甯王名臣李開藻復謀攻洪開藻旋死容藩以江干有天字城易曰天子爲己懺始稱楚王又稱吳王自是遂反自爲監國天下兵馬副元帥鑄印佩之以忠州爲大定府建行臺承制封拜以張京爲吏部尙書程正典爲戶部尙書胡平表爲禮部尙書劉道開爲祭酒京降流賊敗走大甯首勸容藩稱號正典起家夔州府而富於財平表嗜進故用之以朱運玖等爲巡撫大封王光興諸人爲侯伯然性刻忌盡殺宗室之寓於夔者楊喬然令無爲禍首堵允錫尋至責以大義不聽錢邦芑劾其罪傳檄討之王祥謁容藩坐甫定李占春亦至祥思併其軍親搏占春拘諸軍占春脫走祥無所得又乏食殺馬而哺至於四月還遵義于大海譚容藩亦無如何惟譚洪譚文譚誼堅從之 二月降將李國英以譚洪隙攻保甯先敗洪兵保甯復沒 三月李國英水陸攻順慶王名臣走順慶亦沒國英擊馬超邢十萬於潼川綿州是月王應熊卒於畢節衛詔進呂大器少保督西南諸軍事賜劍便宜行事 閏四月

明五

總兵胡敬以潼

州劉惟明以綿州達州降於李國英

秋楊乘渠敗績於渠縣棄城走袁宗第等亦敗

還王祥在遵義復與皮熊隙趙榮貴在文縣降將南一魁攻之榮貴棄城走

八月容

藩大封石砭酉陽諸土司爲伯挂印將軍蠻貊廝養皆巍秩附者益衆錢邦邑寓書堵

允錫合討之允錫督馬進忠以舟師入蜀容藩曰聖駕播遷聊假名號壓川衆耳允錫

呵之曰自作賊乃能服逆乎果不懼錢公東下我截其後誰與爾作賊者督師大學士

呂大器亦至涪州李占春來謁大器爲言天子無恙容藩僭竊當死值容藩以牌至大

器笑曰天下兵馬副元帥非親王太子不敢稱天子在上國何以監此決反矣若受其

官必坐罪占春悟首以兵攻天字城李乾德亦檄諸將討之容藩走夔州使譚洪譚詣

攻石柱李占春擊之大器督諸軍進容藩衆散敗盡遁入雲陽山中窮搜兩日土人執

以獻斬之

冬十月堵允錫遣使招李赤心於夔州入湖南

詳前及自成遣亂

皮熊復以兵攻

遵義至烏江爲祥所潰洪雅鎮將湯國聘與義兵將熊振生門洪雅之間無甯處諸將

甘良臣在岳池朱化龍在茂川曹勛在雅州榮經楊展在嘉定侯天錫在永甯馬應試

在瀘溪賀珍在安縣武大定在彰明石泉于大海在雲陽李占春在涪州趙榮貴在龍

安譚詣在巫山譚文在萬縣譚洪在天字城王光興在巴巫間莫能相下起於盜賊者胡明道在酆都姚玉傳在金城袁韜在重慶其黨在蓬州儀隴南部黨守素劉體純袁宗第李本榮李赤心在巫施巴渠開達間所謂西山賊也

詳遺亂

袁韜雖降其黨更增王

有進景果勒張顯宗諸部分踞夔州東西岸殺掠不可紀益以潰兵亂賊土暴子及叛奴殺主寨民自鬥者日必屠戮重以奇荒雅州大渡越雋間斗米二十金嘉定三十成都重慶凡五十吳三桂在保甯運米陝西斗六十金率惟食人父子夫婦皆相啖猓犬噬人頓成獍獸虎豹魑魅白日形現發牀穿屋無或畏避遂有旬日之間一縣之民無遺子者叙州之民入深山草衣木食徧體生毛見人迅走以爲流賊復至如是十餘年成都雖復樞臣疆吏無或之任樊一蘅名督師李乾德居其官如故楊喬然江爾文又先後至又以命朱天麟皆分署官吏檄鎮將號令棼然一蘅所制叙州一郡而止

順治六年

永歷五年

春正月李廷明攻劍州未克豪格兵攻龍安趙榮貴戰於百峪口敗績

呂大器按諸軍還謂監軍陳計長曰楊展志大而疏袁韜武大定忍而好殺王祥庸懦川事豈可爲乎祥時以兵協諸土司爲三十六營勢頗盛然非將衆才展足於軍食什

加以西叙州以南皆奉其令性復忠勇亦故坦易大定較韜善亦嗜殺大器俄卒夏

四月孫可望以秦王檄至四川楊展疏劾之且謀以兵入滇討可望尋攻保甯爲吳三

桂所拒不勝而還秋八月李乾德襲殺楊展破其軍王祥之勝於烏江也

詳黔滇之亂展

子璟新在樂英爲所執旣而釋之展由是怨祥皮熊使約展攻祥展不可而使璟新以諸將兵略川地皆不受命璟新怒至納溪執馬應試殺之至永寧俟天錫固守攻之不克祥以兵援天錫一日大霧祥兵猝出璟新大敗歸李乾德亦忌展而袒袁武諸將賊韜竑德輒拒之以其乏食說展使及兩人爲兄弟資以兵精乃從韜健爲大定青神展從之然頗善李占春於韜大定所求多不厭乾德怒使殺展而分其蓄值展往壽韜置酒高會展從長刀甲士百五人韜酌之入夜執展囚之別室展乞爲僧韜將許之乾德曰縱之易搏之難韜遂殺展其妻切諫不從展死韜妻亦自縊韜攻嘉定展部奉其妻陳氏及璟新守久之飢城破璟新以三百騎突圍去展妻指韜而罵曰爾窮來歸我何負於爾今狗疏也韜又殺之李占春爲展復仇不勝走曹勛善展而無如何樊一蘅切責李乾德問展死狀曰嘉定歲眉間二三遺黎不與敵者楊將軍力也曹施棄好取人